

Bosna i Hercegovina
Federacija Bosne i Hercegovine
Parlament Federacije BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		15-05-2025	
Org. jed.	Broj	Priloga	Vrijednost
01,02	-02-	1105	125

PREDSTAVNIČKI DOM

n/r predsjedavajućeg Dragana Miokovića

Stručna služba Predstavničkog doma Parlamenta Federacije BiH
n/r sekretara Ivana Miličevića

DOM NARODA

n/r predsjedavajućeg Tomislava Martinovića

Stručna služba Doma naroda Parlamenta Federacije BiH
n/r v.d. sekretarke Aide Hadžić-Salkić

Predmet: Nacrt Zakona o dopuni Zakona o obrtu i srodnim djelatnostima u Federaciji Bosne i Hercegovine

U skladu sa članom 163. Poslovnika Predstavničkog doma Parlamenta Federacije BiH („Službene novine Federacije BiH, broj: 69/07, 02/08, 26/20 i 13/24) i članom 155. Poslovnika o radu Doma naroda Parlamenta Federacije BiH („Službene novine Federacije BiH", br. 27/03, 21/09 i 24/20), kao ovlašteni predlagači, dostavljamo Nacrt Zakona o dopuni Zakona o obrtu i srodnim djelatnostima u Federaciji Bosne i Hercegovine („Službene novine Federacije BiH", br. 81/15 i 75/21), radi razmatranja i usvajanja u Parlamentu Federacije BiH. Zakon dostavljamo u formi Nacrta koji bi se razmatrao po redovnoj proceduri, jer prilikom razmatranja ovog Nacrta u skladu s članom 34. Zakona o principima lokalne samouprave u Federaciji Bosne i Hercegovine potrebno je pribaviti mišljenje Saveza općina i gradova Federacije BiH.

S poštovanjem,

Zastupnici Predstavničkog doma:

Amir Purić *Purić*

Admir Čavalić *Čavalić*

Slaven Raguž *RAGUŽ SLAVEN*

Delegati Doma naroda:

Amra Babić *Babić*

Jelena Pekić *Pekić*

Oliver Soldo *Soldo*

NACRT

**ZAKONA O DOPUNI ZAKONA O OBRTU I SRODNIM DJELATNOSTIMA U
FEDERACIJI BOSNE I HERCEGOVINE**

Sarajevo, april 2025. godine

**ZAKON O DOPUNI ZAKONA O OBRTU I SRODNIM DJELATNOSTIMA U
FEDERACIJI BOSNE I HERCEGOVINE**

Član 1.

U Zakonu o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj: 75/21) član 26. se dopunjava novim stavom b) koji sada glasi: „Nije dozvoljeno naplaćivanje takse na istaknutu firmu.“

Trenutni stav b) postaje stav c), stav c) postaje stav d), stav d) postaje stav e), stav e) postaje stav f), stav f) postaje stav g), stav g) postaje stav h), stav h) postaje stav i) i stav i) postaje stav j).

Član 2.

Ovaj zakon stupa na snagu osmog dana od dana objave u „Službenim novinama Federacije Bosne i Hercegovine“, a počinje se primjenjivati dvije godine od dana stupanja na snagu ovog zakona.

OBRAZLOŽENJE NACRTA ZAKONA O DOPUNI ZAKONA O OBRTU I SRODNIM DJELATNOSTIMA U FEDERACIJI BOSNE I HERCEGOVINE

I – USTAVNI OSNOV

Ustavni osnov za donošenje ovog Zakona sadržan je u Poglavlju IV.A.7.20. (1) d) Ustava Federacije Bosne i Hercegovine kojim je propisano da je Parlament Federacije Bosne i Hercegovine mjerodavan za donošenje Zakona o vršenju funkcija federalne vlasti.

II – RAZLOZI ZA DONOŠENJE ZAKONA

Trenutno u Federaciji BiH, postoji određena vrsta anarhije kada je u pitanju naplata takse na istaknutu firmu. Naime, kantoni, općine/gradovi na osnovu zakona/odluka normiraju ovo pitanje, svaka na svoj način i tako dovode do pravne nesigurnosti u ovom pogledu, jer se taksa na istaknutu firmu različito reguliše od kantona do kantona ili od općine do općine. Svrha ove dopune Zakona je da se ovo pitanje naplaćivanja takse na istaknutu firmu ujednači kako bi se postigla pravna sigurnost po ovom pitanju. Ovo je jedan i od zahtjeva Evropske Unije – postizanje jedinstvenog ekonomskog prostora – gdje će postojati koliko - toliko ujednačena pravila u pogledu poslovnih subjekata i potrošača.

Do sada su kantoni i lokalne vlasti koristile nereguliranost ove materije i od poslovnih subjekata naplaćivali komunalnu taksu na istaknutu firmu. Ova taksa je bila predmetom i pred Ustavnim sudom Bosne i Hercegovine (U-11/23) gdje je Ustavni sud BiH odlučio da koncept komunalne takse na istaknutu firmu nije u skladu sa Ustavom BiH, jer na neproporcionalan način se miješa u imovinu poslovnih subjekata. Drugim riječima, plaćanjem takse na istaknutu firmu poslovni subjekt ne dobiva nikakvu uslugu od državnih organa, ona se ne može smatrati ni taksom, a s obzirom na to da se ne obračunava na osnovu prihoda niti dohotka, ona se ne može smatrati ni porezom (paras. 37 i 38). Bitno je naglasiti da u ovom predmetu pred Ustavnim sudom Bosne i Hercegovine – komunalna taksa na istaknutu firmu je testirana kao koncept, tako da ova Odluka Ustavnog suda važi za sve nivoe vlasti. Drugim riječima, u skladu s ovom Odlukom, svi nivoi vlasti u Bosni i Hercegovini su dužni prestati naplaćivati komunalnu taksu na istaknutu firmu. Zbog svega navedenog, predlažemo dopunu ovog Zakona, kojom bi se uvela pravna sigurnost u ovu oblast, a samim time bi se i implementirala presuda Ustavnog suda BiH, jer na osnovu ove odredbe, federalnim, kantonalnim i lokalnim vlastima bi u buduću bilo zabranjeno naplaćivanje ove takse. Zakoni i odluke kantonalnih i lokalnih nivoa koje regulišu plaćanje ove takse bi se morali uskladiti sa novom odredbom Zakona.

III – OBRAZLOŽENJE PREDLOŽENIH MJERA

Članom 1. dopune Zakona bi se zabranilo naplaćivanja komunalne takse na istaknutu firmu u Federaciji BiH što bi dovelo do implementacije presude Ustavnog suda BiH broj U-11/23.

Članom 2. Zakona reguliše se stupanje na snagu ovog Zakona, odnosno početak primjene. Ovaj rok od dvije godine je ostavljen kao vrijeme prilagodbe općinama jer je taksa na istaknutu firmu prihod općinskih Budžeta.

IV – FINANSIJSKA SREDSTVA

Za provedbu ovoga Zakona neće biti potrebna dodatna finansijska sredstva iz Budžeta Federacije Bosne i Hercegovine.

**ODREDBA ZAKONA O OBRTU I SRODNIM DJELATNOSTIMA U FEDERACIJI
BOSNE I HERCEGOVINE KOJA SE DOPUNJAVA**

Član 26.

(Dužnosti obrtnika i radnika u obavljanju obrta)

Obrtnik i radnik zaposlen kod obrtnika, dužan je:

- a) istaknuti firmu na ulazu u sjedište obrta i izdvojene prostore u kojima se obavlja obrt;
- b) na vidnom mjestu istaknuti rješenje kojim se odobrava obavljanje obrta;
- c) odobrenu djelatnost obavljati kvalitetno u skladu sa zakonima, propisima, dobrim poslovnim običajima i poslovnim moralom;
- d) na vidnom mjestu istaći cjenovnik proizvoda, odnosno usluga na način dostupan kupcima, odnosno korisnicima usluga i pridržavati ih se;
- e) na vidnom mjestu istaći radno vrijeme i pridržavati ga se;
- f) kupcu, odnosno korisniku usluga izdati račun o prodanoj robi, odnosno izvršenim uslugama;
- g) garantovati kvalitet proizvoda, odnosno usluga i otkloniti nedostatke ili nadoknaditi prčinjenu štetu kupcu proizvoda, odnosno korisniku usluga u skladu sa važećim propisima i standardima,
- h) voditi uredno evidenciju ručno ili elektronski o obavljanju djelatnosti u skladu sa kantonalnim posebnim zakonom i drugim propisima iz oblasti poreza, finansija i finansijskog poslovanja,
- i) provoditi propisane mjere zaštite na radu i zaštite životne sredine koje se odnose na obavljanje registrovane djelatnosti.